

靈巖山人詩集

靈巖山人詩集目錄

第二十九卷 古今體詩

終南仙館集

關逢敦牂

惜春

寄終南隱者

甲午監臨試院卽景抒懷四首

華陰老生行

試院東齋叢竹茂甚

秋月引

生朝自壽

雙魚秦鏡同素溪妹作

旃蒙協洽

夜憩東湖與嚴冬友侍讀宛在亭玩月五首

謁華嶽廟

望雨三首

暑雨缺少大田需澤甚切作詩以寫憂懷

恭和

御賜喜雨詩原韻

石甕寺

宿驪山行館

溫泉聽雨作

新豐

長春宮遺址

宿雲臺觀紀夢

聞官兵攻克美諾連破碉卡殺賊大勝誌喜

柔兆涸灘

平定兩金川大功告成恭紀饒歌十八章

謹序

贈定西將軍阿雲巖閣部

並序

定邊左副將軍果毅謀勇豐公贈佩刀歌

題耆士二妹抱雲棲隱圖

靜寧行館接智珠寄懷五律喜作七絕四首示

香之

枕上聞雨聲

積雨新霽坐絢雲閣翫月示浣青素溪

畫

英夢堂相國七十生辰詩

靈巖山人詩集卷二十九

鎮洋畢沅秋帆

一字縷蘅

關逢敦牂

終南仙館集

惜春

身事如花事偏反怯曉風月來琴韻外春去雨聲中結習
攻殘蠹孤情寄暝鴻芳華真可怡過眼只恩恩

寄終南隱者

羨爾致身福地丹梯萬仞難攀石劍排霄齒齒泉紳挂壁
潺潺刷藥虎蹤交橫題花鶴態同閒雲深草堂不遠紫閣
白閣峯間

甲午監臨試院卽景抒懷四首

青袍碧草又三年挾策人添數八千

陝甘士子每科不過五千今科來者八千有餘可謂極盛士

不通經文掃地

帝方側席日中天寸心冥莫搜今古片紙分明對聖賢爲語諸生須努力得魚全怕易忘筌

萬竅蠅吟亂不真月光漢影兩流塵沉沉清漏秋無夢肅肅虛堂夜有神談虎舊聞猶變色驚鴻時樣又翻新十年瑯璫西風裏曾作春明逐隊人

高文落墨出圭稜妙想非非得未曾五夜風雲驅筆陣萬人精爽炳心鐙牽絲此地誰能免摸索當年我敢矜

曩在翰休會與

校文

之役願得英豪頭雪白空攜寸管涕難勝

握珠抱璞議紛紜先正遺型杳不聞河嶽英靈生此輩國
家元氣在斯文人從後部荒庭至天山通北漢車師後部所屬今科自玉門以西至錫西自迪化州等處歷
試來者甚衆直職古未有盛事也學自西京制策分約得終南瓊霽色畫簷來
結慶霄雲

華陰老生行

龍門曉開高嵯峨諸生魚貫進委蛇中有一生扶杖階前
過龍鍾老態雙鬢皤撐手脚腰背駝皮乾肉皺骨髓枯
深眶酸眸淚漬渦齒牙脫落聲音吽布袍百結如敗蓑禿
衿破帽無底鞞趾錯弗前踵後拖此宜含哺樂婆娑晴軒
炙背呼搔爬何爲乎偕此三五少年提筐襪被吮豪舐墨
掉頭據案伊優亞問生今年年幾何向我涕泗交滂沱糝

糊甲子斷馬拋生年八十三於斯叶關中名山首太華雲
臺峯前生所家生來不慣嘯也歌亦復不辨菽與禾弱齡
趨庭側髻了一經口授自我耶

仁皇中葉元風和依稀已應童子科是時年少意氣多方
寸五嶽高礮礮眼中茫茫無姪娥筆下滾滾如江河講經
鴻都窮切磋不屑與世工嬋嬰酒闌月下歌烏烏叶笑談

直取星辰羅中宵起舞冠纓墮叶自謂功名可立圖叶扶

搖九萬飛剎那轡光倏忽馳天都叶低頭拾取白玉珂上

思勲名布天下叶下憶光寵生巖阿豈知此意還蹉跎春

風吹醒春夢婆轉頭迅景如投梭雙轂弗停翻日車黃河

瀨瀨東南徂叶名微身賤生理賒其間跬步遭坎坷幾卷

破書缺編蒲

叶

幾間破屋頽煙蘿石田幾稜供菜瓜牧童

幾輩充生徒

叶

室家詬誶客笑呵揶揄鬼物來奔波乾隆

壬辰歲試學使許我文字佳居然名氏挂齒牙傳聞道路
爲喧譁恭逢

聖人籲俊育菁莪野無遺賢詠兔罝重生梁灝望敢奢此
地不來定不孤負平生耶又言恭承下問徒爾爲

叶

一言

欲言還齟齬

叶

使君黑頭持節如春華生也白頭搖管如

秋葩盛名則盛遐齡遐皇天賦予亦太差我聞生言重歎
嗟又感此意何周遮生見則非志可嘉乾坤納納平無陂
其間形勢分卑高

叶

人事錯迂寧有涯生不見蓮華萬仞

突兀青杈桺是中仙靈來往紛如麻清空一氣住紫霞下

視人海徒些些商飈吹燭苧吹葭使君與生何所加況乎
屈伸備冥數消長猶風沙或棲蹤煙窟或僑跡天池叶千
軫競轡九達交塗叶百昌萬彙枯苑紛拏尻輪風駟野馬
馱世人多爲虛名訛精神日月相盪摩危如圭竇縣蜂窠
瞥如露珠走圓荷浩如揚舩與挽舸茫如策蹇而驟螭叶
高飛青鷹下白鵝落花茵溷隨枝柯人生由命非由它
呼人生由命非由它

試院東齋叢竹茂甚

萬个琅玕碧深齋鎖寂寥驚雷催拔地時雨送淩霄體直
姿彌勁心虛操益昭此君真我友剪燭對清標

秋月引

秋月明秋闢局寂寥銀漢流波無聲鐙藏萬幕鬼影縱橫
皎皎桂魄落我素策一生苑枯幾點殘墨吁嗟乎安得暫
假冰輪作冰鑑照徹天下才士靈心光湛湛

生朝自壽

美人芳草問靈修彈指韶光迅不留結習自憐同脈望閒
情只愛種忘憂十年珠樹金波遠萬仞蓮華玉露浮乘醉
飛觴語明月我生今日似中秋

偶繡王野鴻徵君詩有的人生五十似重陽句讀而感焉予生年四十五矣因用

其意成是詩

雙魚秦鏡同素溪妹作

飛光翻海濤倒寫靈波殿精藏聲滔滔虛受色練練淵深
一泓質萬象鑒生面神魚挾雲澗咫尺會龍變義取金水

生象物理斯見土花暗古澤摩挲對忘倦蔓草故宮荒耕
夫拾遺劍

旃蒙協洽

夜憩東湖與嚴冬友侍讀宛在亭玩月五首

十圍老柳千尋柏拔地參天七百秋爲問坡仙仙去後幾
人曾向此中游

溪山曩溯浣花蹟

予宦秦階多
杜老游跡

水木茲尋嘉祐年論我平生太

微幸宦游多得近前賢

蘇門一派瓣香殘衣鉢由來付託難畱得東湖湖上月分
明許我兩人看

便認今宵卽是仙童奴怪我不思眠魚兒跳子蛙鳴鼓失

聽此聲今廿年

西風樓險連雲遠南浦花深進艇遲
宛在亭中人宛在蕭森竹栢綠鬢睂

謁華嶽廟

灝靈元氣蟠天西維帝少皞司坤維雄江倒飲連岷霓三
峯隱隱互蔽虧其間頰仰勢不齊是有巨健非人爲帝曰
女帝功莫躋女其西成與予治蓮華絕頂神所棲萬靈倏
忽回雲旗誰其妥之俾弗迷荒古望秩高崔巍吾從麥秋
車載脂飲帝之福蒙帝禔華陰靈祠瞻帟帷衣冠駿肅先
拜稽其前綽楔切角氏雲書鳳字般陸離庚辛之神左右
居銀盞銀鎧銀鞭麾天馬八尺不受羈旬數駟駱駒駃騠

朱門三重門九達洞洞屬屬難仰闕其後玉樓何厓屢亭
亭浮空入望奇明星玉女照月題更有仙掌來辛楣諸峯
迢緊尤淋漓如排玉筍如翹犀神境驀超希與夷垂緇纏
纏心已危其中廣殿開翠微雙龍夾柱形鬢鬢仙曹兩班
各拱圭維帝肅穆垂綃衣冕旒秀發旌旆飛大莊嚴相世
所稀識是告成萬寶師行行復從四壁睨啁啾忽聞山鬼
嘯風髮霧鬣奔且嘶後有貳負前蜺螭是誰渲染黝而黝
令人目炫還心疑於戲自明溯羸姬或玉爲檢金爲泥劫
灰飛殘漢蹟劇何論五丈開元碑我

朝祀典丕前規

豐功偉烈經重熙遣官告祭盛禮儀

天章高煥爭壁奎載以蟲鼠蟠蛟螭東海小臣妄測蠡祈
澤深荷垂鴻施謹記靈貺呈丹墀維

皇眷煦流天慈鴻鈞鼓鑄隨攸宜調燮二氣無偏陂卽看
琳琅編貝璣刮膜恨乏雙金鑱唐鐫宋刻縱可追猶以齧
缺探王觀參天松栢匝四圍坐臥不厭十日疲何當矯首
呼屏翳高尋白帝窮天倪

望雨三首

其雨其雨弗來六月不雨憂成災火雲肆虐欲作堆焚
輪動地聲如雷吏民倉皇向天訴叩頭望天朝又暮白雲
不諒病夫愁須臾收拾歸山去

精液煎熬汗流汁投牀敲枕百憂集炎歊蒸燄宵騰騰似

挾火毬帳底入紙窗月落交四更反側稍覺形神清非雨
疑雨夢不成乾風亂捲槁葉聲

河底波涵龜兆交石田出火秋禾焦農夫千點萬點淚揮
灑不救半死苗金川消息傳懍懍勿愁轉粟青天上
帝心如天仁蕩蕩六千萬銀發內帑

暑雨缺少大田需澤甚切作詩以寫憂懷

炎官鞭乾雲去如飛鳥疾焚輪撼坤軸擺碾萬火出瘖雷
不施聲白晝舞妖魃河流日以微井脈日以竭早穀雖出
土稀疎短于髮新綠一寸柔力難爭酷日枯焦已漸形安
望再長發晚禾未下籽土作龜兆裂翻犁恐失時昨交初
伏節農夫輟耒嘆汜勝亦無術王師尙西征促浸稽翦滅

秦蜀脣齒連烽燧猶未撤羽檄星火馳兵符飛電掣帑金
六千萬輸向蠶叢窟秦民最急公大義衆所怵報以屢豐
年窮閭庶存活如何靈澤枯不雨過六月終南多蟄龍癡
臥勢嬖屑上天一滴雨下民一點血盼雨先盼雲雲騰雨
又歇金烏扇炎威煎熬到心骨或者人事乖大吏有缺失

恭和

御賜喜雨詩原韻

黃雲彌望綠雲稠指顧秦川又倍收其雨濛濛時正好厥
田上上澤皆優民情共慶豐年樂

天意能寬

聖主愁總爲

宸衷符覆載沐膏萬寓盡蒙庥

臣謹按洪範八庶徵雨暘各以其敘庶草蕃蕪又曰
肅時雨若曰乂時暘若蓋庥徵所應著爲農祥非甚
盛德蔑由致也洪惟

皇上勤恤民隱罔有遐邇一視同仁如天無私覆地無私
載日月無私照愷澤覃敷淪肌浹髓已四十年於茲
矣臣以菲材蒙

恩擢撫陝右夙夜兢兢惟弗克仰體

德意是懼迺自冬徂春五月不雨周原向稱陸海水深土
厚枯燥漸形又關中以麥爲命百姓騶騶望澤孔亟
臣伏稔

皇上至誠格天有所祈請呼吸立應爰率文武僚屬步禱
西郊又古傳太白龍湫感應神速急遣官馳往取水
水未至城三十里應時澍雨優渥霑足連三日夜徧
數千里壤槁復膏麥枯盡起萬民衢歌巷舞皆云我
皇上之福臣以實入告

聖心悅豫賜以詩章臣跪讀之下仰見我

皇上宵衣旰食憂勤惕厲之意直流露于墨花楮藻之間
而且

至德沖抑讓善弗居天地有大美而不言四時有明法而
不議是卽堯咨湯警何以加茲臣不揆擣昧敬和一
篇非敢妄希賡颺之誼用以彰臣之謏材陋識幸膺

封疆重寄猶獲奉職循理不至違戾者皆

聖上陶鈞獨化于上皇天合符百神受享臣承其流而不

自知百姓實受其福而莫識誰之爲易乾之文言曰

雲行雨施天下平也其在斯時與臣遭際昌期欽承

墨寶瞻

睿藻之裔皇感

主恩之優渥敬附數言于

御製之末用誌光寵云

石甕寺

松顛輦道界虛垠繡嶺東西絕壑分冷落紅樓孤磬月沉
埋黃葉半龕雲碑鐫天寶淪灰劫草沒長生識錦裙消盡

繁華香一炷空畱石佛臥斜曛

宿驪山行館

何年鸚鵡舌天寶說前因輦路荒秋草宮花隱暮燐泉心
瑩似我山色靜于人慘淡華清月零香碾路塵

溫泉聽雨作

今古繁華第一山金風瑟瑟雨潺潺
鐙昏月殿雲階外聲冷紅樓綠閣間
尙有繚垣圍菜圃空餘壞道鎖松關
靈泉難洗新臺恥嗚咽寒宵怨玉環

新豐

平原蒼莽暮雲屯鴻坂西風落木晨
虎鬪龍爭空畫地薦肩火色更何人
荒寒雞犬仍無恙會合英雄信有神
却笑

市中飲酒客流光拋擲馬蹏塵

長春宮遺址

迅奮天戈帝業雄地當左輔有行宮
黃河水漲龍蛇氣華嶽雲霾禾黍叢
甲起晉陽仙仗杳螢飛隋苑野煙空
誰知楊李興亡事半在頽垣廢堡中

此地今稱長春堡

宿雲臺觀紀夢

昨宵飛夢躡蓮峯霞彩雲容盪我胸
抗手玉晨披薜荔鍊顏金紐照芙蓉
天池碧浣三霄露仙掌青撐萬壑松
便約羣真朝太上元州遊戲跨茅龍

聞官兵攻克美諾連破礮卡殺賊大勝誌喜

犄角長驅議擣堅矢飛雨石礮轟天大礮直與人頭碎狡

窟還從蠶尾穿孽重自應膏利斧

恩寬尙許遞降箋佳兵鄭重頒

明詔樂府春風聽凱旋

時廢下詔書將不得已用兵之故宜諭中外

柔兆沿灘

平定兩金川大功告成恭紀饒歌十八章

謹序

乾隆四十一年丙申春三月定西將軍

臣

阿桂等露

布驛聞大小金川全境蕩平逆酋索諾木兄弟眷屬
暨助惡醜類悉旅俘獲請獻

闕下

皇帝曰俞維天地

祖宗綏佑余一人誕集大勲載熙丕緒其詔將軍副將軍

叅贊大臣等振旅還朝恭候祇謁

兩陵告成闕里如期集京畿舉行郊勞典禮翼日獻俘

廟社五月朔日辛未崇上

聖母皇太后徽號揚庥歸善爵勛資功懋典備舉與天下
大釐于是羣公百執事以

上威德麗鴻超邁隆古拜手咸晉曰維

皇帝御極執淬精之道鏡照寰宇四表兩間罔不周旣蠢
茲金川小醜爲巴蜀徼外番夷聲名繫古不通中國
夏書禹貢有和夷之文周之羗紫其邊屬也漢志稱
冉駹夷依山居止累石爲邛籠唐雅州治領羈靡四
十六州元于碣門立宣撫司明天全六番招討攷驗

地狀漢唐髣髴我 朝聲教曷奕九土司衆咸隸職
方乾隆戊辰促浸酋卡莎羅奔等自作不靖

皇上張申撻伐網開一面不訖于誅迨三十載天厭厥類
僭拉逆酋僧格桑抗爪牙之毒同穴相鬪沃日明正
蠶食鯨吞撫諭不聽

皇赫斯怒禡牙誓師雷動風驅雙岐並轡深入其阻蟾臂
力殫美諾先下假氣游魂冀延時刻促浸酋卡已
死子索諾木與僭拉姻黨反抗助之

皇上申命定西將軍 臣 阿桂統領將帥益以八旗勁旅分
路迅攻僧格桑走死賊酋桎獻其屍冀緩我軍將軍
偵知其計折衝益力巨礮轟礪利矢接隼百戰百勝

賊衆膽落勒烏圍破索諾木喙走大軍乘勝抵噶喇
依蟻封鼠穴昏烏迷鹿騷瞿奔觸失歸忘趨大憝黨
惡暨其孥屬繫頸以組駢首乞命迺艾其幕籍其土
民其人二月四日金川告平

臣竊仰惟

皇帝陛下

決機制勝日麗霆發先天弗違百神效職惟所左右成此
巍巍

盛烈永靖邊徼

聲靈讙于域外聞見軼乎曩編茲還師所歷自蜀棧出秦
關千八百里麥隴豐腴甘霖汜濩百姓誦誦熙熙壺
漿簞食饋獻如恐不及

臣脩員西土躬逢

嘉會不揣輶陋攷實臚聲敬擬饒歌十八章導揚
洪輝炎景用佐太常歌以舞萬謹拜手稽首以獻

皇帝聖神文武既定西域遠人悉徠金川逆會卽頑
天怒斯赫作

聖武揚第一

於爍

皇威拓我西土回斧其吭準係以組稽顙來歸曰土爾扈
俾煦太陽俾沐膏雨蠢茲金川敢行違拒

帝心至仁勇也一怒赫赫明明皇哉

聖主

小金川爲沿邊九土司之一逆會僧格桑侵併

沃日及於明正乃

申抗命之誅作堂堂伐第二

螳足橫當車詎識奔輪剛蛙聲雄據井安知天宇長狡窟
匿么磨厥酋僧格桑卵翼不我德反覆成封狼沃日既吞
噬明正示殘傷屢檄仍抗命負固殊披猖釋此苟勿誅何
以綏邊疆有禽利用執

薄伐真堂堂

調發陝西甘肅湖廣雲南貴州綠營兵及西安

荊州成都駐防滿洲兵與川師協勦作從軍

樂第三

建高牙播大鼓壯士從軍色飛舞如驅熊羆往捕鼠秦楚

黔滇發符合兵遶其精銳有駐防營銀牌滿身糧滿地戰袍不待家人寄從軍樂不可支致身功名當及時髑髏陣前帶血數

詔書賜號巴圖魯

命發內帑餉軍分西南兩路轉粟作饋餉裕第四

大軍策入前歌後舞白撰朱提出自

內府軍費億萬閭閻不知熙熙童叟觀我過師自西自南蜀道轉粟蟻附猱緣以手代足金帛頰肩給直以倍旣急爾公亦驚其利

大軍攻克小金川賊巢執逆會之父策妄以獻

作克美諾第五

將軍旗鼓從天下礮聲摧礮同發瓦賊礮屢破賊巢單美
諾傳露布不得賊首得賊父終當併汝懸橐街喘息皮船
夜深渡

僧格桑竄入金川逆酋索諾木既不擒獻反助
其抗拒王師因命並勦作討助逆第六

十三年伐畔郎卡莎羅奔亦旣悔厥罪隕負稽首言相臣
議攻勦

帝宏解網恩偷息逾三紀顧敢私其婚助逆木果木罪難
擢髮論旌旄遂回指師直仁義存

特旨添派京營滿洲兵二千索倫吉林兵四千作勁旅出

蜀雲開勁旅來旗肅肅馬駸駸牛酒賀勁旅過鐵衣輕羽
箭大發必疊始挽強中心洞始引鎗六千人一當百舊旌
門新改色

定西將軍臣阿桂副將軍臣豐昇額率大軍從

西路進攻所向克捷作定西軍第八

楚材繼起惟故相有子

御製紫光閣功臣阿桂像贊有楚材繼出之句

誕將天威昔宣

力西陲桓桓副帥其繼勇果毅攢拉再寧益厲我士兵火
烈烈則莫我敢遏木柵稜稜則莫我敢承前軍破竹收勒
爾吉博後路從風平遜克爾宗

副將軍臣明亮自日旁進攻爲北路官兵累克

碉隘取河西一帶麥田以絕賊人種植作犄

靈犀口言身卷二十一
角攻第九

日旁一軍會于宜喜偏師繼進或角或犄克爾丹扎木克爾扎烏古芑芑其麥是割是取已作我疆土礮聲隆隆由地道上衝賊疲于備我多其攻是佐成厥功

僧格桑走死賊獻其屍將軍數其不早生致之罪磔僧格桑屍以徇進攻益力作徇促浸第

十

順天者生逆天者死賊屍未僵魄已褫當風拉雜揚其灰怙惡不悛將何爲告爾促浸爾果悔罪何不早生致天兵已臨安敢望貫不見梭磨土婦賢且智斷割私姻明大義予戴劄校母受賜

大軍攻克勒烏圍賊巢作紅旗捷第十一

勒烏圍賊舊巢南峙轉經樓斜連甲爾橋前大河後高礮
死守三旬巢不陷將軍勝算已在手一夜攻圍亥達丑兩
木城一時傾呼聲動地千山鳴奪命爭從橋上渡先遣泗
人斷橋柱是時大雨漲山溝殺賊入河河不流紅旗西來
飛鳥疾夜到甘泉正七日

索諾木竄匿噶喇依大軍圍之其母及姑姊妹
相繼投出作釜中魚第十二

可憐釜中魚枯爛在須臾雖有同川侶不得相沫濡爾姑
姊妹繼爾母匍匐軍門惟恐後皆爾平生親豈不念恩厚
自絕于天誰與守嗟哉困獸安能久

賜將軍阿桂爵誠謀英勇公副將軍叅贊以下侯伯子男
有差作冊元功第十三

帝咨爾桂子嘉乃功庸建爾爵比于上公爾副爾佐盛哉
其力五等以差是褒是錫桂率諸將拜手上言臣力何有
惟

廟略是宣

王師克奮凜

天子之訓

王績有成仰

天子之明

索諾木就擒作罪人得第十四

刮耳崖前傳令急霹靂一聲千騎入弓刀匝匝網周遭罪人黜伏將焉逃檻車激之繫以組駭汗淋漓寫如雨從征士目凡數千咸使觀觀爭駢闐穴中誰敢萌反覆請視今朝索諾木

詔總督臣文綬安插餘衆開設耕屯將軍等振旅班師作王師凱第十五

大功旣蒞

帝有恩言俘止其渠勿獮其人俾爾窟爾宅俾爾佃爾田約束部勒以耕以屯以作我

王氓旣撫旣定

王師載旋自隴徂關喜溢于顏我征聿至于今六年婦子

其存邁止欣欣匪獨我秦民

皇帝祇謁

兩陵

巡幸山左釋奠闕里作告成功第十六

皇天

列祖陟降上帝佑予

一人師克有濟

橋山仰止致孝告功
炘炘肸蠁車芝馬龍鸞旂載止式于
闕里觀聽圍橋色愉以喜
干戈旣戢俎豆斯陳思樂泮水
紀績成均事非得已功則有慶鑒

帝之心惟

祖惟

聖

將軍獻俘京師

皇帝親行郊勞禮議敘在事內外諸臣作大飲至第十七
翠華郊次西師凱歸萬旅鳧藻謹聲如雷將軍跪謝遜辭
自下

帝曰汝庸其母讓爾封迺

命獻俘迺

命飲至桓桓糾糾濟濟受

賜圖形紫光旣策爾勲內外臣工各酬厥勤

大功旣成行慶施惠與民休息作慶無疆第十

八

服則舍兮叛則取

帝心如

天兮聽人之自處鑄貞珉兮垂萬古惟

至仁兮有

大武甲兵洗兮慶賚行士勸學兮農勸耕合萬國兮奉

慈寧壽榆耀兮泰階平億萬斯年兮允迪吉康天毖成功

兮永保無疆

贈定西將軍阿雲巖閣部

並序

乾隆柔兆涖灘之歲二月初吉兩金川全境蕩平露

布驛

聞獻俘

闕下三月定西將軍誠謀英勇阿公得

詔振旅還

朝旌旆過秦公睠懷舊雨把臂歡然銜杯永夕情懽惇至
竊喜我公豐庸偉畧亙古無倫賦得長律十章紀績
抒誠用申欣慶

西極崢嶸百戰平六年閩外倚專征

王師旂鼓從天下上將精靈自嶽生井絡春雲隨大纛潼
關曉日候行營渡河更喜饒簫競直挽黃流洗甲兵

二十年前政事堂承家素業在青箱授經定比韋丞相對
客曾誇李贊皇中禁宣豪推巨手銓曹署牘重清郎楚材

少已膺

宸眷定待勲名絕域揚

卻穀詩書天下聞戎衣報國敢辭勤金城北望陰成柳玉

馬西來勢蹴雲瀚海初開都護府

公先立功西域時伊犁再經兵燹地方殘破公建招集流亡之議安兵屯

墾區畫經營規制始定厥功甚偉

瘴江全返伏波軍

謂撤緬甸老官屯兵

丹青久上淩烟閣

手闢蠶叢再策勲

會赦防風後至誅

乾隆十三年詔許索諾木之父耶卡就撫

封狼何意更生軀稍知

吞噬私營窟互作牽援顯負嵎

兩金川結爲姻黨吞併鄰境內附土司

天上旌旗新

變色陣中魚鳥再開圖籌邊樓畔三更月已報前鋒指勒

烏

負固如真不可攻

皇威何以令諸戎頻年粟轉青天上盡日兵行黑
籌中霹靂一聲爭隘入星光數點震礪空前山頓失鴻荒雪直爲三軍喜氣融

徂征犄角兩偏師獨建堂堂大將旗箬決帷中鋒始合矢
飛坐上陣無移懸軍已斷三危脊隔歲先傳貳負尸指僧格桑見

說指揮如葛亮仁風還被受降時去歲會蒙御賜詩扇

釜魚何處乞浮漚醜類全將尺組收索諾木母妻兄弟及黨惡頭人無不就縛遂遣唐

叢沾大化竟俘頡利藉成謀天兵昔嶺休戈甲寶叟和門

獻酒牛帳下更煩磨盾鼻新銘好勒雪山陬

稠疊天書星使傳命珪相印手兼權班資特長東西伯啓
事還持內外銓蕃落隨朝齊負弩官僚迎犒許開筵鬢絲

可爲論兵收龍虎精神尙昔年

渭城楊柳拂歸鞍信宿飛鴻意未殫每奉軍書兼慰藉惟

因候火祝平安神鈴共聽追隨久使節頻移會合難朱鷺

歌中行綏綏邦人徧得袞衣看

曩歲同直棧庭追隨最久

野宿貔貅萬竈餘

翠華郊次趣鋒車須知紫塞銷兵後又是蒼生望澤初湛

露升歌

恩正渥中台占象化方舒待公燮理多餘暇更擬清風誦

穆如

定邊左副將軍果毅謀勇豐公贈佩刀歌

脫光

刀神名見太公兵法

猙獰夜挺立寒氣陰森鬼母泣滄耳

司刀神名見楊泉物理論

自後暗伺之斜月無輝天似漆空堂跳躑相睢盱忽驚電
影穿簾入將軍得自噤喇依百戰百勝賊膽攝白鵬尾長
鴈翎薄兩脇髑髏血猶濕雀環犀靶尙依然香木鮫皮新
作鞋雨淋日炙幾何年鐵鏃斑斕古苔澀淬磨何必蜀江
水膏以鵠鷄光煜熠截鐵如蔥玉似泥世上五兵誰得及
遙想神工鼓鑄時丙午庚辛合月日陰陽旣濟剛柔和離
宮孕出青蛇一當筵殷勤掣示我冷燄逼人肝膽慄偶然
失手落階除紅雪四迸火星急感公持贈善藏之制虎除
蛟莫輕出奏凱金川已掃犁百蠻平定干戈戢符瑞漫詡
三公徵且伴奇書藏秘篋

題斜士二妹抱雲棲隱圖

雲容容兮覆我屋若有人兮身重閨而心空谷露坐石牀
兮有書可讀寒香冉冉兮伴爾幽獨雲無香兮香在梅梅
花未放春先迴雲光梅影淡一色月下瘦鶴雙裴回江鄉
小築足瀟灑髣髴漁莊連蟹舍草碧兮庭中水周兮堂下
當年智井墜瓊釵今日頽垣拾破瓦歌臺傾而舞榭圯兮
眼看綺閣紅窗竄松鼠而飛野馬勝地寧隨浩劫遷千金
有人買平泉坐享清福非偶然無邊逸興豪端傳墨痕都
化爲雲烟噫噫乎秦關浩蕩兮吳樹悠悠燕子不來兮閒
殺此百尺縹緲之飛樓樓前老梅開而復落兮付香影于
春流予思歸而招隱無期兮梅花不肖作予之蹇修予欲
化出岫之孤雲邀畫梁之雙燕暫棲影于君家荒江寂寞

之樓頭

來燕樓前明吳氏別業擅林泉之勝裴東名園也歲久荒圯屢易主矣結士擬購買此樓爲他年棲隱地

靜寧行館接智珠見懷五律喜作七絕四首示之
喜得雙魚手自開明珠一串錦文回髮猶覆額才如許恐
是雙成降謫來

謝庭才調擅清新汝母當年老斲輪他日芙蓉編一卷紅
閨喜有授詩人

名山促我訂歸期幸有相依瓊樹枝伴我著書娛我老可
知生女勝生兒

月麗風柔百景宜翠茗館外乍春熙遙知學繡停針後又
寫唐人格體詩

枕上聞雨聲

簾空烝毒熱，鐙暗逼疎鐘。一夜秦川雨，終南起蟄龍。

積雨新霽坐絢雲閣翫月示浣青素溪

碧落纖雲薄似羅，昨宵好雨霈滂沱。閣臨嘉樹聽秋早，地近名山得月多。一院金波篩亂竹，三更珠露滴殘荷。嫦娥漫笑饒清興，明鏡私窺髮未皤。

畫

寸指靈機盪太虛，枉矜能事送居諸。茫茫身世無停影，繪盡雲容總不如。

英夢堂相國七十生辰詩

弧南星映鳳池頭，元老沙隄瑞靄浮。往歲稱觥曾立鵠，

丙戌歲會

有壽公六十初度詩

中朝賜杖又安鳩。

帝知風度如張相人羨神仙是鄴侯覽接近逢長至候陽
春迴處恰添籌

元氣親調霄漢間金丹底用駐容顏終成硯北千秋業吟
遍江南六代山時望樞衡原早協夙緣筆翰未曾閒退朝
指笑鳴珂里弟子新添玉笥班

兼掌院
學士

閒園手闢上林旁獨往名堪獨樂方窺岩未能量鶴壽種
松大抵比人長堂開綠野裴中立石踞平泉李贊皇秘本
手抄盈鄴架持衡不廢校書忙

重簾煖閣座中春尙憶高齊撰屢辰泥飲每爲花主客劇
談彌見玉精神重窺東閣畱題在靜對南山發詠新準擬
更尋蓮十丈壽公長現宰官身

秀水門人王復編校

靈巖山人詩集卷二十九

靈巖山人詩集目錄

第三十卷 古今詩體

終南仙館集

強圉作噩

折楊柳

檻外碧桃高出屋角方春盛開感賦

舅氏息圃先生命題灌畦圖

敬題息圃舅氏乘槎圖

呈息圃舅氏八首

題松坪煮茗圖二首

胡蝶

試院中秋玩月

終南仙館叢菊盛開邀冬友竹嶼友竹石亭獻
之宴集

悼祝雨山

憶梅和息圃舅氏韻

著雍閏茂

城南看花曲

暮春韋曲觀桃花冬友侍讀作絕句八章溫麗
纏綿情深語綺意似有屬若藉小紅寫照者
至其人予不得而知也後數日適華陰晚憩
雲臺行館挑鐙依韻和之詩成讀之多淒怨

之音若中有不能自勝者同一花也同一看
花之人也而看花人之情未必同也詩緣情
而生亦各寫其情之所託而已歸以示侍讀
並習庵中允瘦銅中翰獻之秋巖諸同學

慶雨峯鳩江放棹圖

爲浣青題西溪清影小照

惜龜

有序

靜寄園雜詠十二首

終南仙館

環香堂

海棠塢

鏡舫

紙窗竹屋

絢雲閣

石供軒

貯月廊

退思齋

小方壺

澄觀臺

雪濤峯

夏日園中雜詠

芟竹

栽花

雜草

移樹

中秋後七日舅氏息圃先生入都隨侍太夫人

餞送灞橋河上歸途悵然有作

題西郊折柳圖爲毛宿亭

上台

中翰作

戊戌除夕

屠維大淵獻

仲春行華陰道中雜詠

宿嶽祠太和宮與冬友步月登萬壽閣展眺

興元試院與沈二麟徵話舊感賦

遇仙橋

宿仙游坡公祠聞窗外黑龍潭水聲澎湃跳激
漏四下不成寐枕上得句二首

下灘謠

漫川洞

上津鎮

由嘉河口溯流而上宿小舟中口占

永樂鎮

太元洞孫真君思邈煉丹處

劉竹軒少宰省覲回京途遇渭南恩恩話別口

占奉贈

長武道中

奎雲麓尚書奉使河湟道經蘭嶺剪鐙話舊把
殘追懽慰風雨之憂思快萍蓬之會合卽席
賦贈二首

次日保暢堂侍郎抵蘭偕雲麓訪予寓館暢敘
連宵亦得長律二首贈之

得琴心手書卻寄

七夕寄琴心

五十生朝自壽四首

上章困敦

題沈雲浦永慕圖

靈巖山人詩集卷三十

鎮洋畢沅秋帆

一字
纈荷

終南仙館集

強圉作噩

折楊柳

折楊柳勸君酒
灞橋橋畔萬千枝
直送行人行隴首
隴首孤雲盡日飛
隴頭游子幾時歸
玉關西望花如雪
忍向長條一涕揮

檻外碧桃高出屋角方春盛開感賦

風懷豔冶愛濃春
簇簇紅英朶朶新
花若有情應眷我看
花人是種花人

舅氏息圃先生命題灌畦圖

有田不歸如江水東坡先生戲言耳歸田豈在田有無無
田欲歸竟歸矣達人齊物泯榮辱難進易退在知止世路
風波盡飽諳欲脫朝衫如脫屣人生遇合亦何常樂歲難
逢類如此先生弱冠遭家屯足繭緇塵走燕市出親于險
克濟艱籍甚人稱張孝子窮途哭比阮籍狂亡命貧甘張
儉耻前舉鴻詞後經學文章價貴長安紙揆天麗藻雲霞
如擲地新篇金石似柰無狗監薦雄文肯抱鬱輪向朱郎
劉蕡制策直難容玉溪章奏工誰比一世才名半世官前
塵影事成彈指硯田冷落舊生涯樹以六經藝以史薄宦
翻同鶴退飛流光不異駒馳駛算來萬事總雲煙只有爲

農滋味美吳淞幾稜破荒田活活流泉清且瀾疎柳蟬聲
秋意生夕陽牛背村歌邇抱甕而嬉植杖耘童孫稚子牽
衣喜一犁好雨一笠雲閒情收拾詩瓢裏力田也抱逢年
願志士暮年聊爾爾丙辰徵士幾人存斗山名並靈光歸
明農異日臥東山此時且爲蒼生起

敬題息圃舅氏乘槎圖

海天蒼海月黃海水起立雲茫茫展看碧海青天長卷
恍見百川萬穴驚濤駭浪委輪迴薄乎中堂中有靈查不
可方漢時聞博望乘貫斗牛旁先生豈其苗裔耶翔虛勢
欲排穹閭年逾七十精力強寒暑一鎧坐甚莊耄而好學
搜青箱詞源淺深難測量少年爲孝子中年爲名士挾策

上書走

帝鄉軟紅塵海名字香一舉鴻詞科再舉經學科徵書鄭
重錫篚筐淵淪學海無涖梁已而閩嶠剖符竹已而滇南
綜邊局風吹萍梗去不常卅年宦海更星霜畫師繪圖或
此意積流善下嘆望洋蕩雲沃日肆詭激靈襟浩渺吞鴻
荒穩坐一葉太乙舟鬚眉上映天滄浪一胡盧酒一卷書
欲向碧津挂樽桑吾聞海上三神山仙家日月靜且長黃
金宮紫石室雲濤出沒遙相望天風引之萬里瞬息到騰
車羽輪仰看破浪凌霄翔垂簾試問君平卜瑤池翠水夜
有客星一葦杭璿宮攜得支機石組織文章粲七襄

呈息圃舅氏八首

蚤歲逢家難青衫走洛塵
釀金全孝子濡血出嚴親
獨行龍門筆傷貧竭命人
蓼莪常廢讀孺慕已終身
聖主龍飛日鴻詞舉制科
舞雞臨鏡罷夢鹿覆蕉訛
幕府煩摩盾文場例倒戈
連城甘抱璞未肯怨蹉跎
宣室虛前席親承

問著書才名蘇玉局詞賦
馬相如迹絕王門瑟飢餐
佛影蔬窮經年兀兀真不
負三餘

我母同懷誼關情似一身
眠餐時共祝形影必相親
垂老情彌摯臨岐痛更真
世風多陌路羨殺白頭人

蒼茫雙鬢雪辛苦一囊詩
筆陣驅靈怪詞壇建鼓旗
味隨蔗境淡胸盪華雲奇
髦齒還勤學斯文仗總持

慘綠趨京國提攜藉渭陽文章慙阿士風韻乏王郎似舅
聲華重知名品藻彰日邊無對譽流播在詞場

子弱冠謁見黃崑園史文靖汪

文端廟衣圍諸前輩

俱許爲酷似舅氏

花塢藏芝閣端居擁百城奏章常代草法帖慣同評閒話
開茅塞虛衷凜器盈道書欣復讀非是學長生

清名推鐵漢拙宦陋金夫橐罄餘琴鶴廚空斷桂珠無官
貧亦適有福老堪娛急作抽簪計鄉園傍石湖

先生營丙舍在吳山麓面臨石

題松坪煮茗圖二首

錦榭風柔香煖石牀露浥琴橫花影宛如人影茶聲不辨
松聲

魚眼生時滌琰龍團試後披襟清景牽予清夢靈泉浣爾
靈心

胡蝶

入夢蘼蘼意太狂六朝金粉貼衣裳無端又被飛花惱枉
逐東風過苑牆

試院中秋玩月

酒波灑灑月波橫萬里光流碧落聲圓到今宵纔滿足明
于後夜更晶瑩兔豪珠格心靈迴鴛瓦瓊樓夢影清正是
桂花將放候紅窻少婦不勝情

終南仙館叢菊盛開邀冬友竹嶼友竹石亭獻之

宴集

一院繁霜結晚陰黃金無主散園林人間賴爾存高節老
去憑誰托素心對酒自憐羈宦久感時漸覺入秋深夜闌
紅燭頻移照瘦影孤橫綠綺琴

悼祝雨山

斜月窺虛房冷光宵墜地舉帷人影絕慘悄多鬼氣驚飈
挾清霜灑作縷縻涕惜彼茗華姿奄忽黃土棄十五掃長
眉學歌又識字雙瞳秋水如靈珠蘊夙慧余眈古成癖名
蹟希清閬汝司典琴職縹緗認題識襟袖染古香硯拭終
南翠寒更伴吟課弗效觸屏睡有時指玉笛桐陰發清吹
孤生露草晞病骨支蕉萃熒熒紅睡孟模黏心血漬神清
似叔寶目眵滿酸淚欲言忽吞聲復恐傷我慮元靈迸黃

庭驅殼失附麗精魄一暝沉幽光萬古瘞曉雞噤不鳴一
夜成一世嬌女牀始扶幼妻刀屢刺素車出西郊漆棺寄
古寺密霰飛長空元冬逼殘歲瓊枝當風折淒絕惱人意
轉眼見濃春春至愁亦至寂寂環香堂塵煤懶擁簪時鳥
晝喚人妖狐晚作祟裴几挑青鐙如豆吐一穗碧窻梨花
雲側有倩魂侍

憶梅和息圃舅氏韻

雲水迢迢隔暮陰卅年讓爾入山深淡還太素支仙骨寂
破枯禪見佛心鶴夢半場春數點鳳徽三弄雪千林良朋
一樣增疎闊空谷難傳金玉音

著雍閏茂

城南看花曲

柳眉會顰桃花笑一顰一笑送春老少年那肯惜韶華只
怨好花開不早花開既早還易落到得落時心作惡甘番
芳訊去恩恩駒隙流光已非昨昨年花發小園中步幃珠
圍歷亂紅容我讀書兼讀畫共他愁雨更愁風蜨化夢依
紈扇冷燕歸人逐畫堂空空堂歌舞如花散花若有情淚
應潛鍊得金丹駐好顏終思抗手喬松伴冶游無恙感殘
春人影花悰雨不真萬種芳菲千種恨花前老盡看花人
暮春韋曲觀桃花冬友侍讀作絕句八章溫麗纏
綿情深語綺意似有屬若藉小紅寫照者至其
人予不得而知也後數日適華陰晚憩雲臺行

館挑鐙依韻和之詩成多淒怨之音若中有不能自勝者同一花也同一看花人也而看花人之情未必同也詩緣情而生亦各寫其情之所託而已歸以示侍讀並習庵中允瘦銅中翰獻之秋巖諸同學

關心芳事損餐眠說著傷春我最先愁似亂紅飛不定惜花人遇賞花天

曾經曼倩去偷纔待得千年花又開擬乞瑤池如掌核攜來還傍碧窻栽

得氣穠華結恨紆飄零無計可持扶崔徽早逝文君寡也似斯花薄命無

網絡金鈴步障新忍教芳意委輕塵社公憐爾封姨妬
弄恩恩過一春

客歲環香畫閣東有人垂手背花叢淚痕灑作胭脂雨
染出春林片片紅

月照禪心映石淙麗情爲爾未全降掃花仙子如花貌
吹落天風是一雙

繁雲膩雨夢初橫一笑嫣然百媚生豔影低垂紅玉
殘花靈酒魄怕分明

路隔仙源煙靄微漁郎一去鎖雲扉落英已逐春流
杳猶盼香魂冉冉歸

繁華流蕩比興溫柔斜陽倩女之魂夜雨西施之夢傳

諸錦瑟應教素女霑襟唱到秋墳定有芳靈掩袂

冬方記

情絲織綺意樹生葩以翦紅刻翠之才寫夢雨傷春之
調東皇恩重猶憐薄命之花南國人遙難種相思之果
應記去年崔護傷人面於門中還同丈室維摩感春浮

于座上

習庵記

慶雨峯鳩江放棹圖

圖爲太倉王蓬心宸作

西州門前笛聲起緒春話語如昨耳十載思君不見君離
愁一片春江水水光渺瀰碧鄰鄰君在瀟湘我在秦鋒車
忽指咸陽道道旁無數傷心草已拌青鬢換霜顚照來紅
燭風情老翦疏淪茗故人同四疊陽關曲未終展開三尺
驚溪絹酒杯忽映君清容裴回審視咄咄怪翰墨溪山互

瀟灑蠶尾蠅頭署姓名迺我老友王宸之所畫畫中之人
如可呼江南一綠連平蕪春雲滿山春水滿湖雜花匝野
香雨模黏孤篷縱棹泛泛若鳥有美一人以嬉以娛左圖
與書右觴與壺水天一色景物萬殊林深城隱堠隻村孤
老牛閒閒勞人于于後者負耜前者擔芻欣時雨之旣降
知長者之歡愉君家元有不繫川乘之足恣汗漫游那知
一帆快風忽轉柁吹君篷影而落菖蒲海岸之西頭伊吾
遠在玉門外六月雪花如掌大松樹塘邊我舊游驛垣尙
有留題在平沙茫茫風浩浩長途慎勿傷懷抱銅柱銘勲
豈異人封侯也要乘時早不到邊關非丈夫短衣劣馬認
今吾手挽雕弓腰羽箭重寫天山夜獵圖

爲浣青題西溪清影小照

月地雲階漸放春眼中人是畫中人笑他生就瑤臺種甘
與梅花作替身

簫管環翠曲關邊夢落春林夜怕眠花影衣香雨清絕半
疑明月半寒烟

嬌女才名敵左芬轉頭東閣掩塵氛西泠卽是西州路淚

灑花枝化冷雲

我師文敏公視學浙西浣青
隨任追繪此圖以誌遺感

新營丙舍硯山岑萬樹梅花花氣深香國他年如訪我一

船寒雪五湖心

余營丙舍在靈巖山麓西
連鄞尉一帶皆梅花林也

惜龜有序

華州蓮華寺南移山潭產金錢龜客春家僮攜一枚

歸以定瓷盃貯清泉蓄之案頭不飲不食一年餘矣
今早忽怛焉化去詩以惜之

不信神龜有竟時半盃止水碧苔滋擬于靜者應多壽若
比古人猶寡辭少華泉枯靈未泯先天數定骨能知膽餅
花落埋殘殼一縷幽光照硯池

靜寄園雜詠十二首

終南仙館

終南盡南止約畧萬里耳颺車飛不到羣真實萃此風吹

三閣雲栖我書堂裏

諺云萬里終南

環香堂

芳菲占四時羅作衆香國予無賞花功種花豈所亟藉此

驗榮枯占年到黍稷

海棠塢

七年放名花五年盼春雨雨不來花開誰爲主繁華
一夢中空尊對西府

東坡先生詩
海棠真一夢

鏡舫

浮家仍泊岸集木卽臨淵聊作畫禪室非矜貫月船但求
腳踏地那怕浪掀天

紙窻竹屋

我鄉樂郊園園廢犁爲田翠篠此處深板屋規三間晚晚
歲云暮風雪記平泉

婁東樂郊園爲王奉常別墅亦名東園
園內有紙窻竹屋予童子時游釣處也

絢雲閣

霞光渲嵐彩粲爛錦不如似鍊五色石補天之所餘出岫
本無心卷舒還太虛

石供軒

星精墮秋庭煙嵐鎖咫尺麗割紫雲腴瘦腊老蛟脊居人
與石丈相互作主客

貯月廊

今古此明月收我修廊中廊迴環水竹清光宛轉通宵闌
抱月眠秋星皎長空

退思齋

一靈炳心鐙萬變足冥赴朋從擾不寧鬼瞰動輒誤思之
復思之滅燭滋戒懼

小方壺

我非壺中人日坐壺中央無事卽學仙日月靜且長瀛洲
不可卽雲海空茫茫

澄觀臺

高臺壓秦川俯視飛鳥沒五原鬱蒼蒼殘照見陵闕雨挾
太華雲露滌終南月

雪濤峯

雲根貼素波天然工刻畫中藏鴻濤聲浪花隱空碧他年
辦歸裝仗汝作廉石

夏日園中雜詠

芟竹

窻虛嘯清標亭亭渭川玉風簾不上鈎夢漾一庭綠雷走
龍孫長雨滋鳳尾簇新篁嫩且柔翠色倩可掬拔地驟淩
霄清標生使獨中有兩三竿枝疎葉漸禿虛抱出塵姿蕭
瑟傍短屋礙路復遮風似覺非我族呼童斧斯之去去恐
不速月階金瑣碎疎爽快人目信知亮節人老去肯諧俗

栽花

種花莫傷葉葉傷花不肥種花莫傷根根傷生意微名葩
結幽契相需如渴飢不惜節清俸遠購花萬枝天地好顏
色鍾此茗華愛花識花性保護要得宜清泉勤灌溉不
如雨露滋培沃還其元勿使真精漓精神漸充實榮茂自
可期請看欣欣意長養豈一時寄語牧民者此理知不知

薺草

筠簾透有痕碧碗足幽清文窻鐙影微色與竹簡映叢生
良莠殊泛愛實難並荃蕙比美人泉石抱貞性蕭艾似惡
人茸茸塞三徑非種不急耒久爲嘉卉病待其滋蔓日圖
之力弗勝根深族漸繁雨酣勢益盛別之要眼明去之在
力定勿訝芟夷多嫉惡守其正幽草天意憐疾風吹益勁

移樹

名園綢顏色全在嘉樹嘉四圍綠雲深偃仰枝婆娑樵人
來予告有松在巖阿結成偃蓋形歲月亦已多遷栽傍仙
館蒼勁無纖柯閒來申僮約轆轤汲井華盤石坐題詩解
衣足嘯歌龍孫倏蛻骨鐵榦空盤挈根傷促其壽厥咎歸

誰何始知凌霄姿不纏塵劫魔終南扶寸質萬年挺嵯峨
中秋後七日舅氏息圃先生入都隨侍太夫人餞
送灞橋河上歸途悵然有作

千絲復萬絲青門柳枝殘千愁復萬愁西風別思繁橋上
雙白頭影寫灞水寒舅氏遠行邁雞鳴理征鞍月照古長
安人去今長安我母篤友愛慘戚意不歡七十老兄妹真
覺分手難不言別離苦臨別感萬端各各強慰藉精力幸
未殫丁寧期後會烏兔駐雙丸細認別時顏顏色已非丹
只憂步履鈍生怕衣裳單年齒失壯盛智慮不可刊詩文
宜少作永保神明完贈言頗雜拉情真意彌酸明朝卽天
涯今夕且盤桓渭陽恩誼重欲去無羽翰郵亭把尊酒驪

歌唱河干涼颼吹襟袂白露淒以漙草衰木落外萬仞蓮
華攢上馬復回頭囑我作好官酬恩勤補拙蒞政猛濟寬
秋老銅人原惻惻摧心肝恐傷老人懷有淚不敢彈

題西郊折柳圖爲毛宿亭上台中翰作

吟壇舊友梁園客一笑秦關把臂時跋履三千推脫穎簪

豪四十未嫌遲

時將補官中翰

恩深我負青山約交重君要白首期灞岸柳條離思滿那
堪重和送行詩

戊戌除夕

甲煎香沈夜漏微春前三見雪花飛殘年爭及新年樂明
日應知今日非短几重裯陳畫榻華鐙綠酒掩紅扉莫忘

對泣牛衣夜避債無臺事事違

屠維大淵獻

仲春行華陰道中雜詠

好風先爲花傳信喜雨頻看樹濯枝如此穠華須著眼春風纔放二分時

村村煙樹影模黏高下亭臺入畫圖看盡絳霞三百里始

知塵界卽仙都

自終南至太華行三百里滿山皆桃花也

吏不敲門雞犬寧依山築堡抱迴汀綠楊絲漾紅裙子打罷鞦韆去踏青

半是人家半水雲野人夾道致殷勤自言芹粦無私獻折得名花奉使君

宿嶽祠太和宮與冬友步月登萬壽閣展眺

孤撐一掌劈空遮瀨瀨金天積氣賒老柏雲封藏鬼魅靈
祠壁暗走龍蛇三峯月展無邊色萬古蓮擎不落花欲測
碧虛濫激影先天未闢卽萌芽

興元試院與沈二麟徵話舊感賦

爭長雞壇總角年相逢重與話前緣飛揚白袷摩長劒落
拓青袍泥舊瓊兄弟同庚年五十妻孥呼癸路三千竹窻
夜聽瀟瀟雨猶認山齋對榻眠

遇仙橋

終南萬古真靈窟白石三生記夙緣底事更求飛舉術我
來今日卽神仙

宿仙游坡公祠聞窗外黑龍潭水聲澎湃跳激漏

四下不成寐枕上得句二首

後夜溪流入夢喧心魂激見水中天鐘聲北寺連南寺仙
蹟秦年接漢年桃李尙嫌添色相文章還怕落言詮青山
終古如相証玉局清游在眼前

黯黯鐙光思悄然虛窗四面護雲煙元池高宴謠黃竹絳
帳傳經列翠鈿洞壑名泉留玉女滄桑涼月泣金仙南連
絕棧如天遠黑箐宵深叫杜鵑

下灘謠

飛廉倒拔金烏翅驚濤震怒輕刀駛一灘乍平一灘至舟
子倉皇神色異山頑沙劣百折迴雷奮湍飛一葉寄石峯

截香衝波心劒戟戈矛爭比利蛟宮龍窟據底潛側睨盤
渦洞無地船頭篙師後柁工南針在心直厥躬一呼百應
號令肅目光要與波光融舟穿石罅石齧舟曲折赴之髮
不容浪頭觸舟舟無骨意境滉蕩超鴻濛神靈杳冥在咫尺
日月永洞沉雲風枉矢一激聲影絕須臾穿出重淵中
我思江心無灘江水直水瀉楫中安可塞天然灞閘資蓄
洩此是天爲豈人力漢興旬日下荆襄巨艦戢戢挽糧食
不然楚山秦嶺路幾千亦如鳥道登青天元功妙用在此
灘勸君莫怨下灘難

漫川洞

山空寂人語悄然聞午雞緣溪棹小舟夾岸花枝低花窮

見石門迤邐穿雲蹊人家隱修竹又度西峯西簷屋以石
覆垣壁以土泥門前漲綠波喋唳亂鳬鷺舍旁幾稜田剡
剡秧針齊橋頭白鬚翁行歌而杖藜問之顧予笑驅犢還
扶犁落花春寂寂塵世人栖栖何須訪漁郎斯真武陵溪

上津鎮

倒挽鯢船上篙師竟日喧山開編戶密縣廢抱關尊元岳
留行殿滄江繞市門彈丸雖小邑問道達襄樊

由嘉河口溯流而上宿小舟中口占

泛泛扁舟似水鳬薄醪聊向小村沽筆牀茶具新吟健蟹
舍漁莊舊隱孤百尺空灘喧急雨半宵清夢滿平湖誰知
篷底金蟬客本是吳淞一釣徒

永樂鎮

孤塢蟠涇曲洪濤截渭流民淳風近古雨足歲占秋官有
循良譽家饒旨蓄謀莫嫌勤逐末農力盡西疇

太元洞孫真君思邈煉丹處

丹房翠壁小壺天唐代真人祕笈鐫學本通儒叅造化業
精方技卽神仙紫霞凝潤騰芝采碧澗留香瀉橘泉蒿目
瘡痍猶未復青囊乞與濟生篇

劉竹軒少宰省覲回京途遇渭南恩恩話別口占

奉贈

兵氣凋顏色相看喜欲顛難酬

明主遇各問老親年

劉太夫人入春年八十
三家慈亦七十一矣

舊雨人三五新愁感

萬千旗亭一尊酒傾倒杏花前

長武道中

山村廢堡少人煙
淳悶風如太古前
兒與牛羊同皂食
婦隨雞犬上房眠
兵休行旅皆安枕
農惰衣租總信天
零落杏花春幕裏
土垣缺處故嫣然

奎雲麓尚書奉使河湟道經蘭嶺翦鐙話舊把琰
追懽慰風雨之憂思快萍蓬之會合卽席賦贈

二首

黯黯秋光冷塞垣
懽場重省尙銷魂
浮雲玉壘饒歌遠
皎月銀鐙舞扇翻
雪阪飛鴻留斷影
雨窻捫蝨快清言
更闌笑認征衫色
猶帶青門舊酒痕

丙申四月兩金川秦凱公枉過青門署
圖對酒徵歌爲長夜之樂今忽忽已三

矣隱

祈連高豕鬱松楸玉樹長埋恨未休

謂阿兄毅勇公筠庭制府

花萼集編

淒夢草雲臺圖像識兜鍪人稱名士如諸葛我羨神仙似

鄴侯見面那容輕放別灞陵風笛隔三秋

制府立功西域公著績金川先後寫像紫花閣

次日保暢堂侍郎抵蘭偕雲麓訪予寓館暢敘連

宵亦得長律二首贈之

風約萍蹤聚五泉孤鴻幾點入秋邊誰知草白沙黃地偏
值鐙紅酒綠天良友悵如雲易散清歡難並月常圓碧簫
倚遍銷魂曲聽到金城倍惘然

平生肝膽共輪囷交到忘形意更親開口漫辭拌一醉同
心那易恰三人棋高當局空爭勝戲好逢場莫認真自笑

塵魔難解脫好從寶筏問迷津

時會議班禪
入觀事宜

得琴心手書卻寄

慰我思親念全憑汝報章情真詞易複字細意難詳涼夢
先秋到歸心帶雨長今宵增客感牆角有寒蟬

七夕寄琴心

七襄雲錦粲瓊樓瓜果堆盤笑語柔人立銀屏風雨冷秋
鐙如穗月如鉤

戟門人靜角聲繁秋到雙梧葉影翻漫說靈槎虛貫月天

風送我出河源

近由西寧日月山出青海境稽查後藏班
禪額爾德尼經行程站距星宿海不遠

金梭化作彩雲飛石供軒前正暴衣今夕天孫停翠輦好

祈長壽錫慈闈

單衾夢遠夜涼多。檢出輕絛換薄羅。一水盈盈情脈脈。人間到處有銀河。

五十生朝自壽四首

三星入戶酒初巡。骀駼聊酬鼎鼎身。鍊後金翻成鈍鐵。爨餘桐本是勞薪。華年錦瑟催絃柱。潔行芳蘭記佩紉。時屆知非非不去。始知天壤少完人。

齋禁簪豪侍

玉皇持幢十稔鬢。添霜拋殘歲月紆。藤屐奇絕河山入。錦囊心逸只緣聞。道早情恬不覺爲官忙。髻齡生長梅花窟。老尙心脾沁冷香。

儒生結習悔雕蟲。雪案空鑽故紙叢。慘綠早懷投筆願。汗

青難畢著書功編成元宋年須假重修宋元通鑑政紀華離日正中

校地理諸書

一席名山待料理漫愁駒影過恩恩

平生俯仰足夷猶那羨元龍百尺樓壁自無瑕蠅易玷皮終有質豹思留掄年只數

君恩重問寢惟祈母疾瘳時太夫人抱恙未愈滿院琪花都不管愛耜

明月種忘憂

上章困敦

題沈雲浦永慕圖

哀烏嗥不休後夜繞我屋空孤反哺恩鍛羽傷焚獨生兒
墮地時寶此一塊肉十年勤提抱廿年勤訓坊兒知愛日
長親嗟短景速時時侍笑言承歡且不足況爲遠游人利

名競奔逐倚閭黯銷魂陟山忘遠矚那知堂背萱摧作霜
前菊奄忽溘朝露百身痛奚贖哀哉東陽子遭邁亦慘毒
示我一卷圖欲語涕凝掬弱齡早失恃有母勞顧復晝荻
守清門抱經困冷塾一貧已至此曷以謀昔蓄鞭絲指京
華飢驅被還襍濫竽走王門功名等蕉鹿鐘鼎虛一鑿日
月轉雙轂哀哀孤生兒終天慟風木母死含殮日緇塵尙
孑孑病心心模黏飲血血漚漚蘸血寫慈顏斑斑染素幅
圖成轉側看遺容宛在目草堂耿秋鐙扶鳩鮓背鞠一片
思子情愁入雙睂蹙恐抱無涯感豪端尙難酷昨宵夢中
顏醒向圖中熟侍親親眷虛別親親壽促早知賒祿養悔
不供水菽展圖見君心掩圖令我哭此卽蓼莪篇沈痛起

靈巖山人詩集卷三十一
根觸感我北堂上音徽亦已邈涼月照衰草西風攪慈竹
麻衣正廬居題詩忍卒讀

曲阜門人桂馥編校

靈巖山人詩集卷三十